

## 76 S E P T I M A P R O V I N C I A

bus corradere licitum, quantumcumque repererit: ibidem lapis lazulus, ac viridis color & vitriolum effoditur, perdives ubique multæ, & pinorum annosarum copia ad domuum columnas in Sinica architectura accommodatissima: præter ingens ac magnificum Regis palatium, ornant etiam hanc urbem tria heroibus dicata fana, regit urbs civitates omnino septem, & ad regionis custodiam aliqua habet munimenta. civitatum nomina sunt 1 Siangyang, 2 Iching, 3 Nanchang, 4 Çaoyang, 5 Coching, 6 Quanghoa, 7 Kiun o. Ad Çaoyang utramque ripam fluvii Han pons Soxoang jungit, in multos arcus divisus, totus è seculo lapide à regibus Guei, exstructus: olim hic terræ tractus King Provinciæ erat sub Je & Chin constellationibus, Cheva familia Coteng dixit, hodiernum nomen habet hæc urbs jam inde à Guei regibus, qui mœnia urbis ædificarunt.

*Montes.*

Prope Kiun civitatem ingens est mons Vutang, qui septem & viginti in cœlum atollit vertices, habetque colles acclives sex supra triginta, & stagna seu lacus viginti quatuor. in eo superstitionis multa ac magnifica idolorum templo cum sacrificiulorum monasteriis: hinc enim reliqui per totam Sinam sacra sua accipiunt, illi nimirum sacrificuli, qui internam idolorum, ac transmigrationis animarum doctrinam sequuntur, per quam moralem animæ à corpore separationem intelligunt, unde continuis speculationibus vacant, uti qui externam metempychosim credunt, sua jura velut ex impurissimo fonte, ex monte Tientai Chekianæ Provinciæ petunt, ubi summi sacrificiulorum rectores degunt; sed de his dogmatibus Sinicis plenius & uberiori, favente Deo, differam in secunda decade epitomes historiarum Sinensium. In hoc etiam monte herba semper virens, seu semper-vivum nascitur.

Co mons Coching civitati nomen dat, in quo arundinum genus nascitur, quod ad tres tantum perdurat annos, & tum nova emissâ arundine antiqua stirps emoritur, vita triennali novaque succrescente sbole quasi contenta.

*Flumina.*

Han fluvius ex Provincia Xensi per terminos hujus urbis hanc ingreditur Provinciam, longoque tractu excurrens, tandem Kiang fluminis aquas auget prope urbem Hanyang.

Siang flumen ad urbis Barrolybicūm est, in quo animal nascitur equo non absimile,

nisi quod squamosum sit, & unguis ut tigris habeat, ferox est, quod & homines & animalia cætera aggrediatur, id præcipue autumni tempore tentat, quo frequentius ex aquis egressum terram pervagatur.

Est & Chinchu stagnum intra Idolorum fanum ad Nanchang, unionum lacus dicitur. nam si ambulantes per illius ripam durius terram percutiant, quam primum undique aquæ globulos emittit ad instar unionum, quod an arte, an à natura proveniat, haud facile dictu est: ad occasum urbis insula est Kiafung dicta.

## Quarta Urbs

## T E G A N.

**T**Egan urbis tractus sub Yvo Imperatore King Provinciæ adscriptus fuit sub constellationibus Je & Chin, urbs ipsa à variis in ea regnantibus varia sortita est nomina. Cina familia regibus omnibus extinctis Nankiun dixit, Hana vero Kiang-hia, Sunga Ganlo, Tanga Ganhoang, hodiernum nomen à Sunga obtinuit familia. Sex sibi subiectas regit civitates, 1 Tegan, 2 Junmung, 3 Hiaocan, 4 Ingching, 5 Sui o, 6 Ingxan. Est in hac regione rarum quid, *Cera ræ* alba cera, quæ à vermiculis elaboratur *ræ*, fere artificio, quo apes favos suos struunt; sunt autem hi favi multo minores ac candissimi, nec vermiculi culti sunt, aut domestici, sed inculti atque agrestes. ex collectis favis candelas, ut ex communi nostrate cera conficiunt; at longe magis albæ sunt, à magnatibus, quod majori constent pretio, fere tantum adhiberi solent: nam præter candorem odorem etiam suavem emittunt, cum comburuntur, nihilque folidibus inficiunt aut foedant, licet guttæ liquefactæ in vestes incident; lumen etiam clarissimum, maximeque temperatum reddunt. Urbis territorium claudunt ad Boream montes; ad Austrum flumina, à quibus etiam medium secatur: tria nobiliora fana numerat.

Tahung mons omnium maximus ac horridus Suicheu ad Boream incipit: in vertice lacum continet. prope Ingxan est Tungting mons, in quo ingens ac inscrutabilis profunditatis caverna visitur. Ibidem Kie mons, in quo antiquæ civitatis Kieyang adhuc spectantur rudera.

Che amnis Sui civitatem præterfluit, & totam regionem medianam dividit. Junmung lacus magnus nongentorum stadiorum ad ortum urbis.

*Quinta**Flumina.*